

**Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
UPRAVA POLICIJE**

Broj: 02-14-4-747/19
Datum: 11.02. 2019.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16) i člana 18. stav (1) Zakona o javnim nabavkama („Službeni glasnik Bosne i Hercegovine”, broj 39/14), policijski komesar Uprave policije Ministarstva unutrašnjih poslova Kantona Sarajevo, donosi:

**ODLUKU O POKRETANJU PREGOVARAČKOG POSTUPKA BEZ OBJAVE
OBAVJEŠTENJA SA JEDNIM PONUĐAČEM**

I

Određuje se pokretanje pregovaračkog postupka bez objave obavještenja sa jednim pozvanim ponuđačem.

II

Zakonski osnov za provođenje postupka javne nabavke predstavlja član 21. tačka d) Zakona o javnim nabavkama i člana 28. Zakona o javnim nabavkama.

III

Predmet javne nabavke su usluge noćenja sa doručkom i punim pansionom (ručak i večera) za policijske službenike Uprave policije Ministarstva unutrašnjih poslova drugih Kantona, kako bi se osiguralo pojačano prisustvo policijskih službenika na mjestima javnog okupljanja za vrijeme održavanja EYOF-a 2019. godine, a u skladu sa Zaključkom Vlade Kantona Sarajevo, broj: 02-05-3024-1/19 od 10.02.2019.godine

IV

Procijenjena vrijednost javne nabavke iznosi do 69.000,00 KM, bez PDV-a.

V

Podaci o izvoru – načinu finansiranja: Sredstva se osiguravaju iz tekuće rezerve Budžeta Kantona Sarajevo za 2019. godinu.

VI

Obrazloženje uslova za primjenu predmetnog pregovaračkog postupka:

Vrsta postupka javne nabavke: pregovarački postupak bez objave obavještenja sa jednim pozvanim ponuđačem, po osnovu člana 21. tačka d) Zakona o javnim nabavkama i člana 28. Zakona o javnim nabavkama, a uz sljedeće obrazloženje:

- Član 21. tačka d) Zakona o javnim nabavkama određuje da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci u slučaju kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati Zakonom o javnim nabavkama utvrđene minimalne rokove za otvoreni, ograničeni ili pregovarački postupak s objavom obavještenja, a okolnosti kojima se

opravdava izuzetna hitnost postupka, se ni u kom slučaju ne smiju dovesti u vezu s ugovornim organom.

- Zbog gnusnog ubistva policajca Federalne uprave policije prilikom obavljanja poslova obezbjđenja i aktivnosti koje se preduzimaju na rasvjetljavanju krivičnog dijela, a u vrijeme održavanja EYOF-a 2019. godine, Vlada Kantona Sarajevo je zadužila Policijskog komesara da pozove i angažuje policijske službenike Uprave policije Ministarstava unutrašnjih poslova drugih Kantona, kako bi se osiguralo pojačano prisustvo policijskih službenika na mjestima javnih okupljanja.

S tim u vezi pokreće se postupak predmetne nabavke.

Ugovorni organ će prilikom provođenja predmetnog postupka voditi računa da ugovorena cijena ne bude veća od uporedive tržišne cijene

VII

Rok za provođenje postupka javne nabavke je 11.02.2019.godine

U provođenju predmetnog postupka ugovorni organ će se pridržavati zahtjeva iz člana 28. Zakona o javnim nabavkama.

VIII

Ova Odluka stupa na snagu danom donošenja.

Dostaviti:

1. Sektoru za materijalno-finansijske poslove
2. Odjeljenju za odnose s javnošću, radi objave na web stranici ugovornog organa
3. a/a

